

乳源縣志卷之八

事紀志

五方之性燥燠不同習尚之風醇澆各異度其利害而察其災祥雖水火盜賊伏於外而兵刑禮樂脩於內為政之道君子德風故就風俗而制其政教則擇利去害召祥弭變操在我矣獯獷異類制馭猶當有方述事紀志秉鈇識

風俗

人民朴魯俗尚簡素衣服多用綿葛而少綺羅飲食則就土之毛田野之民惟牛犁火耕與鬻薪賣菜鮮事技藝商貨止於花蔴杉松為販廣省魚鹽銅鐵以資民用至若鉛錫沙礦亦屬少有有因小忿遂爾輕生服毒懸梁者抱病染瘴不重醫方惟禱鬼刺血灸

乳源縣志 卷之八

一

艾服莢亦幸得生土習循章守句負氣節雖貧不少貶抑出入衣冠接見官師謹禮謙退族分良賤婚擇偶配弗論財帛聘以茶蔴雞酒為禮娶以花紅酒席為儀喪用家禮亦有間作佛事葬與中州同必求堪輿卜吉地至小民之家落葬三五年後復起其土揀其骸骨而載之以缶復葬焉謂之金斗祭重清明下元冬至三祭會親友而飲福居恆朔望忌日自為薦新告牲而已長幼率矩男女明嫌貧素之婦紡績種蔬以勤其業士大夫家鮮出閨門而多事於茶會山谷窮鄉婚聘喪祭與縣城稍異而歲賦悉從里長收納于官墟市多肩挑背負屠沽販賣土物生涯而無珍錯異品上下各三都風土固殊語音亦異

歲時

立春前一日有司迎勾芒神與土牛于東郊里市各扮故事綵架表曰慶豐年為春官領官儀仗驅辟道路之人又以童子為春童手執春令旗從東郊來報春至官師飲喜春酒簪春花安置芒神土牛于縣門東是曰鄉之男婦携兒女看春辨土牛之色以占歲之雨暘豐歉土牛經過各以豆蔴撒之謂之散疹消疹至夜會文武師生飲春宴于公署演戲立春日祀芒神鞭土牛畢附郭諸民競爭土牛之坭回坭其竈謂養猪畜如牛肥大花匠具土牛鼓吹送各鄉紳家取賞立春日喜晴而厭陰雨歌云但看立春晴一日農夫不用力耕田又驗芒神暖即戴帽為寒寒即去帽為暖目曰拗春童以占其春之暖寒元旦拜祀祖先稱賀族黨親朋雖狎必揖家家焚香酒肴款客以

乳源縣志 卷之八

二

慶新春初三日掃門庭以其敝篋置箕擲紙錢棄之郊地以送窮鬼婦女以糶餅桔子相饋初五日各祀門神焚除夕張掛門錢諺云火燒門神紙孩童習細業大人做生理元夕張燈剪綵歌管酒筵光達通宵禁門弛放戴紙面獅象舞于官庭尊鄉儼古制驚蟄曰家以石灰撒于墻基謂除歲中虫蟻清明前十日俗呼禁風各戴桃葉于首社日同里共祀土神而鄉村為盛是月民始東作播種早清明祭祖于墓刈除荆蔓掛紙坟上率族之男婦登山而祭謂之踏青家插柳于户三月三日上巳拔楔俗奉元帝誕四月八佛曰各處山僧先抬釋迦太子遊于市至日俗人具香錢詣寺菴禮佛五月五日食角黍飲菖蒲雄黃酒以去蛇毒童兒少女往河觀龍舟以五色線縮赤靈

符而佩之是月插蒔晚禾夏至啖犬肉以滋陽氣六月六日早稻獲家祀土神即田園蔬圃以香紙為表祭夏至後遇辰曰俗云分龍是日其鄉有陰雨色不勝喜謂今歲此地可免旱憂六月十六日本縣城隍誕陰陽官著各鄉老抬各土神詣廟朝賀金鼓鬧神為慶七月七日曝書帙衣服并浴頭晒髮十五下元孟蘭會家祀祖先設紙衣錢包燒送之八月中秋啖月餅剝芋皮喙鼓子菓謂之剝鬼皮去疥癩秋社如春九月九日登高飲茱萸菊酒兒童競放風鳶或以紅綠紙做風車乘風團轉以戲十月朔農人大舖相犒用糍米造白糍而糊牛角牛照水而喜是月晚稻大穫十一月冬至家各祀祖亦至坟墓掛紙俗云掛冬慶賀官司如元日臘月二十四祀竈神謂竈奏人乳源縣志 卷之八 三

### 事蹟

〔宋〕淳熙丁未寇毀乳源縣

〔元〕至正二年柳寇羅一羅二據乳源縣為寨至正十二年七月柳寇攻乳源乳源義士鄧可賢遣子鄧一源由間道報同知買住授以方畧賊臨境知有備而退

以上係□塘古縣

〔明〕洪武二十七年賊首鄺友明作亂時多調大軍勦戮臘嶺西南凡為亂者悉平之時殺戮者多致荒民田二百五十三頃七十五畝後招民承種湖廣江西

江漳之民皆占籍于乳

成化二十一年十二月十三日賊首華貴浩三百餘黨為亂攻劫本縣城池庫藏殺害鄉民本府推官周盛率鄉老利福童仲榮擒斬民得復業

弘治五年深崗民江欽糾平溪落崗民集眾為賊劫害鄉村人莫敢敵自臘嶺南水龍溪雖有恒產者亦將依附事聞 巡按曾昂檄知府錢鏞命義民曾壽祺鄉民黃裕等擒之

正德年東莞袁周引帶鄉人朱三秀胡表等四十餘人來乳小水山以鏹椽木為各知地利之險鄉人之弱遂招亡納叛通深崗賊首鄧象玉魏崇通等流劫湖郴地方后聞于 撫按檄通判王政知縣李溥指揮孫輔督兵勦平惟胡表沿山潛遁樂昌更名龔福全

乳源縣志 卷之八

四

與高天玉作亂擾境

正德十二年二月十七日賊首高快馬自號高天王率眾千餘造車十餘乘衝攻乳城知縣沈淵督城中居民鄺郴等奮勇敵之城幸保全至秋通判莫相臨縣得賊情由遂聞于 撫按檄僉事顧應祥都指揮歐儒為監統莫相領哨征之相與士卒同甘苦民兵李瑛丘瑜等千餘人皆感奮遂擒賊首斬首七百餘嘉靖元年學使魏校歐陽鐸相繼毀淫淫祠

嘉靖五年旱知府唐昇奏減民租賦之半

嘉靖四十三年大羅山賊自清遠英德而上流劫所過殘害鄉民築土圍自衛或依巖穴以延旦夕時大動官軍征勦知縣李繼芳親持牛酒犒師境上激以忠義百計捍衛將士感奮所向克捷邑治賴以保全

隆慶六年知縣侯應爵查覆本縣虛糧豁虛丁

萬曆九年裁冗員革本縣主簿

萬曆十年清丈縣田糧

萬曆十五年知縣林文豐建義倉二所

萬曆三十年造冊知縣吳邦俊釐革豪橫里排照丁糧數多良善人戶點充

萬曆三十年知縣吳邦俊鑄石縣前釐革官民積弊一十二款

萬曆三十一年知縣吳邦俊置倉二間民間社倉一間

萬曆三十一年知縣吳邦俊造輕監二間以羈輕罪男女各一間以防混雜是年又查出元妙觀道士冒占田一十七畝六分一釐三毫又占地租每年一兩

乳源縣志 卷之八

五

六錢九分申詳提學道朱作為儒學中義租取給貧生是年修楊參將祠建鄧義士祠董母墓賢孝祠歲時惟取楊鄧二祠前空房租銀置辦春秋祭禮不編入均平銀兩

萬曆三十一年五月英德縣堯山錫坑夫千餘人皆係湖廣藍山臨武等縣無賴之徒因南韶道禁開錫礦撤業而歸戕害所過地方知縣吳邦俊令典史黃邦翰點民壯前往南水地方彈壓李巡檢率街民丁壯策應各坑夫唯唯受命而過雞犬不驚

萬曆三十三年清查風門關上下山坡地舊為鄉民占種者照朱氏告陞糧數十倍給管外其餘臘嶺大坪沙涌等處清與闔縣士民樵採大坪上寮房十間每一間歲納租二錢八月徵收俱送儒學作為貧生

燈油等費

崇禎十一年藍山人寇犯乳境本年三月總督兩廣張鏡心親督兵來乳憲節駐劄下街公館內一月有餘秋毫無犯

〔國朝〕順治四年六月十九日叛兵羅士璧范一龍等作亂搶庫藏掠財物城內外居民多被殺傷二十日殺知縣施宏猷于洲頭

順治四年七月十九日猺賊黃萬勝至掠去男婦無數

順治四年十二月二十四日猺賊黃萬勝復糾連陽稱王偽寇萬餘來圍城知縣郭弘纘密遣家僮三名先出城往府告急時韶鎮兵單少只發馬兵三十名步兵五十人分五隊各背一幟或在九仙來或近在

乳源縣志 卷之八

六

城走馬吹號或由文昌閣等處過河抄殺各賊見旗幟馬匹四散雜陳遂驚惶奔走縣官開城鼓率鄉勇協同官兵追逐至臘嶺殺賊無數所獲偽劄偽印偽頭目俱解府餘逃匿翻車嶺冷死甚衆東門外賊屍填積順治十一會剿梅遼知縣支揆英捍衛士民勞瘁而卒

英嘉善人支大綸孫履任三月

順治十八年冬十月曲英盜賊震鄰渠魁王化中譚三鳳盤踞陽山勾連黃落深崗聚黨二千人流毒數縣後因陽山縣申報 督撫總督合四縣會勦知縣裘秉鈞陽示招撫暗授方畧命里長王貴賢練甲朱耀廷等奮勇擒叛賊首王化中譚三鳳等首級四顆歸獲偽劄解府餘黨悉平蒙 撫督招批 強賊盤踞陽山流毒州縣已非一日今據詳稱兵勇奮擊賊

首王化中等四名已經授首餘黨投誠具見該縣方  
畧兵勇可嘉但投誠之人該縣湏要安插妥當勿令  
後萌異志可也 虔縣蘇批 賊首王化中盤踞陽  
山流毒州縣該縣乃能密調鄉勇設法勦除斬獲賊  
首王化中等四級并獲偽劄二張厥功洵可嘉尚有  
功員兵九十自應獎賞仰候 督撫批示行繳 巡  
撫盧批 仰候 督院總督批示行繳 總督盧批  
朱耀廷廖昇等奮勇擒斬賊首允應優獎惟尚有待  
查勦賊首肇文從等仰知再鼓勇設法盡擒并詳優  
叙

康熙元年四月妖黨周楚貴劉壬官聚黨于梅花地  
方天寶寺當堅旂號二面一書羅平二字一書日月  
二字約日倡亂知縣裘秉鈞命練總生員張開鄧琳  
乳源縣志 卷之八 七

率子弟鄉勇二百人夤夜伏兵設計生擒二人訊治  
解府報 院妖黨解散

### 災異

紹興十六年鼠食稼千萬為群時廣東大旱凡羽麟  
皆化為鼠有漁者夜設網旦視數百頭皆鼠自夏徂  
秋方息歲大饑

嘉靖九年乳源蝗饑竹有實民採食之

嘉靖十四年大水壞乳源城樓數十間五月復壞民  
田廬不可勝計

嘉靖二十四年二月二十四日雷火擊燒房屋瓦礫  
如塵時天大雨獨下街屠戶徐文紀家無雨

萬曆七年縣大水壞學宮

萬曆十八年夏初縣前江中多蛇貫穿一線自下而

上至燕口巖穴中一日夜乃盡人擊之亦不為害秋大有年冬霪雨相傳以為七十年未有此潦萬曆二十九年八月十八夜大風雨平溪水暴漲廣州同夜大風雨五羊驛前大舟泮沒者無數渰死者無筭

謹按天道有常變人事有災祥蓋古今所必有也乳邑夙有天人異徵秉筆者安得令其失傳故特附之

### 猺獞

猺人一種惟盤姓八十餘戶為真猺皆盤瓠之裔別姓亦八十餘戶今其種類繁矣大都其性悍鳥言今漸習華言總計之有黃茶山猺內外西山猺小水猺大東山猺烏石猺月坪猺赤溪水猺牛婁崗猺其為

### 乳源縣志 卷之八

八

黃茶大東赤溪猺命曰板猺戴板于首以黃蠟膠髮粘于板上月整一次夜以高物閣其首採山為生者也無板命曰民猺或耕山或耕畝耕山者花蔴而不賦耕畝者田糧戶口與齊民同女有耳環婦則屏之男婦或衣綵繡裙善弩箭以弋虎狼之類性巧製器以易鹽米攝之有猺總歲時或一謁縣官正德中曲江油溪山猺誘引為盜本府通判莫相令其猺總自擒斬之後獲寧息至今原設猺總總甲編入冊籍終非我類不無盜心寇垣墻竊牛馬時多有之罹法亦服其辜雖然深崗通宜章縣莽山之猺通陽山鷺子崗易相勾引非方畧禁之恐未息肩也

前志曰猺獞異種猺則裹首以巾獞則無之以布帛束額而已廣西半獞乳邑未見其類猺獞並名

豈前志未之考耶先時花蔴雜稅科及徭民民用  
是擾近則一切蠲除務與休息然不能必其革心  
司牧者毋謂貼焉而苛之則民與徭永靜矣

論曰崔鄙治陝而寬治鄂而嚴孔明在楚而簡入蜀  
而繁因風俗民情施其緩急兢綏之方也至於災祥  
則重在消弭故孔子於春秋書災異書兵而不著事  
應推天心之仁愛而啟後人恐懼修省也太史公曰  
積稷之交太上脩德其次修政脩救脩禳之謂也若  
夫莽之可伏而岵之可負利害之機與時推移猶不  
可不明晰而洞觀矣余詳觀乳源氣候則寒暑難調  
習尚朴質地瘠山多養生婚娶之禮亦彬彬有中州  
淑氣之漸但其送死之道則有可異焉葬父母三年  
後掘土出棺焚屍另以瓦器裝骸骨另葬思有以變

乳源縣志 卷之八

九

風而易俗何能使其家喻而戶曉乎至於徭獍匪我  
族類如韓昌黎論賊事宜狀謂嶺外賊獠言語都不  
似人易動難安攻劫侵暴是也亦思德能綏懷威能  
臨制耳秉鈇識